

29 января

ПОКЛОНЕНИЕ ЧЕСТНЫМ ВЕРИГАМ АП. ПЕТРА В НЕДЕЛЮ.¹

Прав. Максима, иерея Тóтемского.

На великой вечерне «Блажен муж» – кафизма вся.

На «Господи, воззвах» стихиры на 10:

Воскресные, глас 7-й – 6.

И апостола, глас 4-й, подобен: "Яко дóбля...":

7. Стих: От стра́жи у́тренняя до но́щи, от стра́жи у́тренняя, // да упова́ет Изра́иль на Го́спода.

8. Стих: Яко у Го́спода ми́лость, и мно́гое у Него́ изба́вление, // и Той изба́вит Изра́иля от всех беззако́ний его́.

Прелесть связал еси́, по Го́споде вяжемь, / и в темни́це, апо́столе, заключа́емь. / Те́мже ты любóвию почита́ем / и ве́рою вери́ги облобыза́ем твоя́: / от ни́хже почерпа́юще здра́вие телесе́ и души́ спасе́ние, / по до́лгу восхваля́ем тя, Богови́дче, // безплóтных собесéднице. Дважды.

9. Стих: Хвалите Го́спода вси язы́цы, // похвалите Его́ вси лю́дие.

Тобо́ю ра́зум прие́млют неразу́мием одержи́мии, / язы́ков многосе́меннии ро́ди пе́рвее, / ихже о́браз показа́, с высоты́ носи́мь, / сосу́д, внутрь вмеща́ющ вся́кое живóтно, апо́столе. / Те́мже всяк ты во́зраст сла́вит, / покланя́ясь, я́же носил еси́, вери́гам, // за Христа́ усéрднейше.

10. Стих: Яко утверди́ся ми́лость Его́ на нас, // и и́стина Госпо́дня пребыва́ет во век.

Его́же отвéрглся еси́, суди́ма, / воста́вша воспéл еси́ из ме́ртвых, апо́столе, / и пропове́дал еси́ в конце́х ми́ра, / Бо́га же и Чело́века, / бла́гостию мно́гою земны́м приобщив́шася. / Те́мже любóвию ты бла́жим, Пе́тре, / покланя́ющеся, я́же носил еси́, вери́гам, // за Христа́, пре-сла́вне.

¹ Служба поклонения веригам ап. Петра шестеричная, совершается вместе с воскресной службой Октоиха.

«Слава» – апостола, глас 6-й:

Днесь нам основáние Цёркве,/ Петр – кáмень вёры/ предлагаёт че-
стны́я своя вери́ги в душе́вное благоче́стие./ Приидите вси, сия об-
лобыза́юще,/ благохва́льными пёсньми тогó увенча́им:/ ра́дуйся,
те́плый вёры побóрниче,/ и́же те́плым ра́зумом Христа́ испове́дав/ и
Сы́на Бо́жия в дерзнове́нии мно́зем./ Ра́дуйся, вселённыя ра́дование/ и
Небе́снаго Ца́рствия ключарю́,/ благода́ть подава́й любóвию тя
чтúщим/ и честны́я твоя́ вери́ги облобыза́ющим желáнием,/ я́ко пред-
стоя́ престóлу всех Царя́ Христа́,/ моли́тву твоя́ о нас, // соверша́ющих
па́мять твою́.

«И ныне» – догматик, [глас 7-й: «Ма́ти у́бо...»].

Вход. Прокимен дня.

НА ЛИТИИ²

Стихира храма.

и Богородичные стихиры Павла Аморрейского, глас 2-й³

Подóбен: «Егда́ от дрéва»:

Ты еси́ Ангелов Ра́дость,/ Ты еси́ челове́ков Сла́ва,/ Ты вёрных
Наде́жда, Влады́чице Всепётая,/ Предста́тельница на́ша:/ и к Тебе́
прибега́ем во всякой ну́жди,/ я́ко да мольба́ми Твои́ми, от стрел
вра́жиих па́губы душетлённыя,/ и всяких скорбе́й изба́вимся // вси вос-
пева́ющи Тя, Богоневёстная.

Ты ми Богоро́дице, Упова́ние,/ Ты ми Предста́тельница и стена́ и
прибе́жище,/ Влады́чице Препётая, Яже Бо́га плóтию неискусому́жно
ро́ждши ми́ру Спаси́теля:/ Ты мольба́ми Твои́ми от одержáщих нас из-
ба́ви иску́шений, и бед и обстоя́ний, // Еди́на христиа́н Прибе́жище.

«Слава, и ныне» – его же стихи́ра, глас тот же:

Укроти́ плóти моея́ стремлénия,/ угаси́ пла́мень страстéй мои́х,/ отыми́
от мене́, Богоро́дице, зной лука́вый желáния моего́,/ и непрекло́нный
мой обы́чай возврати́ Де́во,/ от всякаго бесо́вскаго стремлénия:/ я́ко да
в тишинé сёрдца, и в безстра́стии души́ моея́, // песнослóвлю Тя, Все-
пётую.

² Допустимо стихиры на литии петь следующим образом: стихи́ра храма; «Слава» – апостола, глас 4-й: «Трикра́тным вопро-
шением...» (см. на стиховне утрени в Минее), «И ныне» – Богородичен воскресный, глас тот же: «При́зри на молéния...».

³ См. на «Господи, воззвах» в воскресной службе 7-го гласа в Октоихе, без стихов).

НА СТИХОВНЕ:

Стихиры воскресные, гласа.

«Слава» – апостола, глас 6-й:

Пáки нас тёплый предста́тель совоздвиза́ет к духо́вней трапéзе,/ Пётр – ка́мень ве́ры,/ честны́я сво́я вери́ги предложив нам,/ я́коже снeдь многоце́нну,/ недúгов во врачевáние,/ скорбя́щих во утешéние,/ в приста́нище обурева́емых./ Приидите вси, сия́ облобыза́юще,/ тогó Просла́вльшаго умоли́м:// моли́твами его́, Христé, спаси́ ду́ши на́ша.

«И ныне» – Богородичен воскресный (по гласу «Славы»), глас тот же:

Творе́ц и Изба́витель мой, Пречи́стая,/ Христóс Господь из Твои́х ложе́сн проше́д,/ в мя Оболки́йся, пёрвыя кля́твы Ада́ма свободи́./ Тёмже Ти, Всечи́стая,/ я́ко Бóжии Ма́тери же и Дéве, воистинну/ вопие́м немóлчно:/ ра́дуйся Ангельски, ра́дуйся, Влады́чице,// Предста́тельство и Покро́ве, и Спасéние душ на́ших.

По Трисвятом – «Богородице Дево...» (трижды).

НА УТРЕНЕ НА «БОГ ГОСПОДЬ»

Тропарь воскресный, текущего гласа (Дважды).

«Слава» – тропарь апостола, глас 4-й:

Рíма не оставь, к нам пришел еси честными вери́гами,/ я́же носил еси, апостолов первопресто́льне./ Имже верою покланяющeся, мо́лимся:/ твои́ми к Богу моли́твами// да́руй нам велию ми́лость.

«И ныне» – Богородичен воскресный, глас тот же: «Еже от века...».

Еже от века утаёное/ и Ангелом несвёдомое та́инство,/ Тобо́ю, Богороди́це, сущим на земли́ яви́ся Бог,/ в неслитном соединéнии воплоща́емь,/ и Крест во́лею нас ра́ди воспри́им,/ имже воскресив перво́здáннаго,// спасé от смёрти ду́ши на́ша.

Полиелей. «Ангельский собор...». Ипакои, степенны и прокимен – гласа. Евангелие воскресное 10-е. «Воскресение Христово видевшие...». По 50-м псалме: «Слава» – «Молитвами апостолов...». Стихира воскресная, глас 6-й: «Воскрес Иисус от гроба...».

Ирмосы воскресные, гласа. Катавасия «Сúшу глубородительную...».
На 9-й песни поем «Честнейшую». **По 9-й песни – «Свят Господь Бог наш».**

НА ХВАЛИТЕХ

Стихиры воскресные, [глас 7-й] – 8. «Слава» – стихира евангельская 10-я. «И ныне» – «Преблагословенна еси...».

Великое славословие. По Трисвятом – тропарь воскресный: «Днесь спасение...».

НА ЛИТУРГИИ

Блаженны гласа – 6 и апостола, песнь 3-я – 4.

Во Царствии Твоём помяни нас, Гóсподи, егда приидеши, во Царствии Твоём.

На 12: Блажéни ни́щии дúхом, я́ко тех есть Царство Небéсное.

Блажéни пла́чущии, я́ко тии утéшатся.

На 10: Блажéни крóтции, я́ко тии наследят зéмлю.

Воскрéсные, [глас 7]:

Тропарь: Красéн бе и добр в снeдь, и́же менé умертвívый плод:/ Хри-стóс есть Дрéво живóтное,/ от Него́же яды́й не умираю,/ но вопио́ с разбóйником:// помяни́ мя Гóсподи, во Царствии Твоём.

Блажéни а́лчущии и жа́ждущии прáвды, я́ко тии насы́тятся.

Тропарь: На Крест вознéсся Щéдре,/ Ада́мово рукописáние дрéвняго грехá загла́дил еси́,/ и спасл еси́ от прéлести весь род челове́ческий.// Тёмже воспева́ем Тя, благодéтелю Гóсподи.

На 8: Блажéни мило́стивии, я́ко тии поми́ловани бúдут.

Тропарь: Пригвозди́л еси́ на Крестé Щéдре, грехи́ нáша Христé,/ и Твоёю смёртию смерть умертвívил еси́/ воздвигну́вый умерши́я из мёртвых:// тёмже покланя́емся Твоему́ свято́му воскресéнию.

Блажéни чисти́и сёрдцем, я́ко тии Бóга úзрят.

Тропарь: Изли́я яд змий в слухи Евины иногда:/ Христос же на Дре́ве крестнем источил есть миру́ жизни сладость./ Те́мже взыва́ем:// помяни́ нас Го́споди, во Ца́рствии Твоём.

На 6: Блаже́ни миротво́рцы, я́ко ти́и сы́нове Бо́жии нареку́тся.

Тропарь: Во гробе́ я́ко сме́ртен положён был еси́, Животе́ всех Христе́:/ и вере́и а́довы сломил еси́:/ и воскресе́ во сла́ве тридне́вен я́ко си́лен, всех просвети́л еси́:// сла́ва Твоему́ воста́нию.

Блаже́ни изгна́ни пра́вды ра́ди, я́ко тех есть Ца́рство Небе́сное.

Богоро́дичен: Госпо́дь воскресе́ тридне́вен из ме́ртвых,/ дарова́ мир Свой ученико́м,/ и сих благослови́в посла́, рек:// вся приве́дите во Ца́рствие Моё́.

На 4: Блаже́ни есте́, егда́ понóсят вам, и изжену́т, и реку́т всяк зол глаго́л на вы, лжу́ще Мене́ ра́ди.

Апо́стола, глас 4:

Тропарь: Весь Све́ту соединя́ясь чисте́йшему,/ Того́ Божество́нными причаще́нии, свет яви́лся еси́ вторы́й, Пе́тре, // озаря́ющий ду́ши на́ша.

Ра́дуйтесь и веселите́ся, я́ко мзда ва́ша мно́га на Небесе́х.

Тропарь: Зако́ны Христо́вы утверди́л еси́ и пребеззаконну́ющия благозако́нию научи́л еси́,/ я́ко апо́столов верхо́вный, // я́ко догма́тов осно́вание недви́жимо.

Сла́ва Отцу́ и Сы́ну и Свято́му Ду́ху.

Тропарь: Язы́ком священным пропове́дал еси́ Бо́га, пострада́вшая и на Кресте́ распенша́гося. // Сего́ ра́ди, Пе́тре, почита́ем связа́вша тя ве́риги.

И ны́не и при́сно и во ве́ки веко́в. Ами́нь.

Богоро́дичен: Стоя́ше да́же до Тебе́ смерть неодо́держима́го стремле́ния:// Ты бо роди́ла еси́ Исто́чник безсме́ртия, Богоро́дице Ма́ти Де́во.

**ПО ВХОДЕ – ТРОПАРИ И КОНДАКИ:
[В храме Господском]**

Тропарь воскресный.

Тропарь апостола, глас 4-й:

Ріма не оставь, к нам пришел еси честными верігами, / яже носил еси, апостолов первопрестольне. / Имже верою покланяющеса, молимся: / твоими к Богу молітвами // даруй нам велию милость.

Кондак апостола, глас 2, подобен: «В молітвах неусыпающую...»:

Верхóвнаго и пёрваго апóстолов, / істины Божéственнаго ученика, / Петра великаго восхвалим / и того véрою целуем веріги, // прегрешений разрешеніе приёмлюще.

Кондак апостола, глас 2:

Величія твоя, дéвственнице, кто повéсть? / Тóчиши бо чудеса, и изливаеши исцеления, / и молишися о душах наших, // яко Богослов и друг Христов.

«Слава» – ин кондак апостола, глас 2, подобен: «Вышних ищя...»:

Камень Христос каменя веры прославляет светлó, / учеников первопрестольника: / созывает бо вся праздновати, Пётре, / чудесі твоея честныя веріги // и подаёт согрешений прощение.

«И ныне» – кондак воскресный.

В храме Богородицы – тропарь воскресный, тропарь храма, тропарь апостола; кондак воскресный, кондак апостола. «Слава» – ин кондак апостола, «И ныне» – кондак храма. В храме святого – тропарь воскресный, тропарь храма, тропарь апостола; кондак воскресный, кондак храма, кондак апостола. «Слава» – ин кондак апостола, «И ныне» – «Предстательство христиан...».

Прокімен воскресный, [глас 7]: Господь крепость людем Своим даст, / Господь благословит люди Своя миром. **Стих:** Принесите Господеву, сынове Божии, принесите Господеву сыны овни. **Прокімен апостола, глас 8:** Во всю зéмлю изыде вещание их / и в концы вселенныя глаголы их.

Причастен Воскресный: Хвалите Господа с небес: **Причастен апостола:** Во всю зéмлю изыде вещание их / и в концы вселенныя глаголы их.